

講話的鉅角

話先：話、話、話！人濟話就濟！

話柄：三色人講五色話！

話先：你講天。

話柄：我講地。

話先：一个講蠶稀。

話柄：一个講飯籊。

話先：好話加減講。

話柄：歹話莫出喙。

話先、話柄：兮～「講話，愛重鉅角」

話先的、話柄的，上台行禮！

話柄：話先的，咱按呢，一下上台就哩哩囉囉、竹篙鬥菜刀，講規大

攤的，台跤的老師佢同學講咱是來欲創啥貨？

話先：咱欲來和逐家分享講話的鉅鉅角角，向望老師同學來牽教。

話柄：講話喔！彼都上簡單的代誌矣，啥人袂曉講話？「親像桌頂拈柑」

遐爾簡單，恁講是否？

（問台跤的觀眾）

話先：按呢好，昨昏阿明佇咱校門口發生代誌，準我是阿明的阿母，

你講予我聽，看你講話的工夫按怎？

話柄：好啊，來！「阿姆、阿姆，我共你講，恁阿明拄才放學，欲過大路的時陣，拄好一台 thoo-lah-kuh 駛真緊衝過來…」

話先：hannh！阮阿明有按怎無？

話柄：「恁阿明繼倒佇 thoo-lah-kuh 頭前…」

話先：我苦！阿明啊…(大哭、昏倒，話柄愛共扶咧)

話柄：「阿姆、阿姆，我是欲共你講阿明家已閣起來，這馬佇健康中心歇睏，無按怎啦！你緊精神啦！」

話先：啊毋講較緊咧！彼若較短歲壽的，就等袂到你講煞矣。

話柄：佳哉你精神矣，我強欲摺你袂牢矣。

話先：刁工嘛欲予你加摺一下。你這種講話的方式會害死人喔。

話柄：啊無，愛按怎講？

話先：你喔，一句講都袂曉話。應該先講：「阿姆，恁阿明這馬佇健康中心歇睏，連鞭轉來」

話柄：啊是啥物代誌？

話先：無啦！阿明佇校門口險啊予車拚著，伊驚一趔，家已跋一倒爾爾。」

話柄：唉唷，佳哉無代誌。

話先：阿姆，是恁兜祖先仔有保庇。

話柄：挨～勢講話喔。人講：「有拜有保庇，無拜就會出代誌」。

話先：phé！phé！phé！才袂出代誌咧。好啦，你知影愛按怎「講話的
銳角」矣 honn？

話柄：我知，我知。

話先：「獅？獅就佇深山林內咧，獅？」，我試看你是毋是真正會曉矣。
我準是恁爸：「聽講恁昨昏考數學，啊是考幾分？」

話柄：爸仔，我考六十分喔（真歡喜的款）

話先：共我跪咧（話柄跪落），進前攞考八、九十分，這擺退步遮濟？
閣佇暢啥？你真正是「七月半鴨，毋知死活」，看我按怎共你修
理。

話柄：爸仔，這擺較歹考，真濟人攞無及格呢，第一名的阿華嘛甲考
六十五分爾。」

話先：按呢，你這下加跪的。閣講你會曉按怎「講話的銳角」？

話柄：我知影矣啦，我應該先解說真歹考，安貼爸的心，才講我考六
十分，就袂去予人罰跪矣。

話先：按呢講就著矣。是講，阿華講欲來看咱比賽，共咱加油（看對
台跤），汰猶袂來？

話柄：毋啥，我來共阿華敲電話看覓：「阿華喔，你猶袂來？連鞭到喔？
好、好，騎車細膩、安全較要緊 hānn。」

話先：挨～嬌喔！我猶準你會共伊罵甲臭頭，咱攞欲比煞矣。

話柄：慢就已經慢矣，你共罵、共趕，萬不一若出代誌咧？

話先：你這擺講話就真貼心矣呢。

話柄：這愛多謝你的牽教。

話先：是啊，「講話中人聽，較好大細聲」。

話柄：這是古早人傳承落來的智慧。

話先：我就是用這的步數，予阮阿爸改薰的。

話柄：你嘛講來鼻芳咧。

話先：進前阮爸見若食薰，我攞共嫌講：「二手薰，臭-konn-konn，爸
你莫閣食矣！」

話柄：結果咧？

話先：阮爸照食不誤。落尾手，我就共阮爸講：「爸仔，人阮足愛你的
呢！」

話柄：「我嘛足愛你的！」（假做 爸的聲）

話先：tshē～「毋過，我看你食薰了後攞咁咁嗽，人足毋甘啦。」

話柄：「喀，喀！汰有？喀，喀！」

話先：「閣講無！為著爸你的健康，你莫閣食薰矣，好無？」

話柄：「好啦，好啦！」

話先：自按呢，阮爸就沓沓仔改薰矣。

話柄：換一個角度講話，人就聽會入耳矣。

話先：無毋著。挨…。「人際溝通靠話語」

話柄：「講話暝角愛細膩」

話先：「好話貼心人情味」

話柄：「世間溫情滿滿是」

話先，話柄：「世間溫情滿滿是」

話先，話柄：多謝逐家！